



Baldvini Cabilliavi E Soc. Iesv Magdalena

Cabilliau, Baudouin

Antwerpen, 1625

LVII. Magdalena luget fratrem extinctum.

[urn:nbn:de:hbz:466:1-70461](https://nbn-resolving.org/urn:nbn:de:hbz:466:1-70461)

L V I I.

MAGDALENA *luget fratrem
extinctum.*

IT E graues gemitus, suspiriaque ærumnosa,
 Ite interrupto murmura triunca sono:
 Vitreaq; imbriferis dolor excute frena procellis;
 Quique liquor nimbis, currat & ille genis.
 Prò quantum ausa nefas! primo mors abdicat æuo
 Delicias Solis. lux tua puluis erit?
 Ah soror infelix! fraterni è pulueris urnâ
 Ossa leges, non hoc ossa legenda sinu?
 Et modò vos vnum concordì pectore nomen
 Dispare iam fato scindet acerba dies?
 Dissidio tristi (quidquam an crudelius?) exsul
 Vita fugit mæsto corde, nec vlla redit.
 Heu! mortis domus atra tenet tua viscera fratris,
 Cui surdæ infractò stant adamante fores.
 Sic, sic, ô miseram! quondam tua gaudia frater
 Exsanguis in glaciè frigida larua iacet?
 Fors aliquis tribus in digitis ad mensus ad urnam
 Quid cineris, dicet: Frater id ille tuus.
 Hæc tua spes? sic Bethaniæ sua præmia genti
 Asserit informi sparsa fauilla solo?
 Huc tot Ausum ceræ? tot & illita purpura fastis,
 Totque per antiquos linea ducta Duces?
 Illum flet rupes, illum flet rupibus Echo,
 Illum flet tonsis anxia terra comis:
 Et liquidi fleuere lacus, fluidique liquores,
 Fons Siloë, ac Siloës riuus, & orbus ager:
 Et Solymæ fleuere nurus, Solymi que nepotes,
 I Illum

Illum & Berhanidum conscia saxa gemunt.
 Crudeles nimum (si fas sit dicere) Diui!
 Cur tantum, ah! terris inuidet æthra decus?
 Ver abiit cum flore, breues fluxere corollæ;
 Pro violâ en mœstis sparsa fauilla comis.
 Non tenerâ byssum lapis asperat Indus, & aurû:
 Sed sedet in furuo nubila vita peplo.
 Stat cultu sine cultus inops, sine luce vel ostro;
 Bærica natiuo lana colore gemit.
 O quoties madidis solemnia vota tabellis
 Suscipis! & ventis murmur inane voues!
 O quoties surdo numeras suspiria busto!
 O quoties muto puluere muta sedes!
 Quis numeret, quoties respectas cæca sepulchrum,
 Delusis quoties ægra doles oculis?
 Visa frui, quoties vanas amplecteris auras,
 Tristis vbi somnus fratris imago redit?
 Nec credit. ah quantû scelus est mors ausa! dolori
 Vsq; tuo vt viuat frater, vbique perit:
 Carnificesq; animat crudo sub pectore flammæ,
 Insolabiliter queis flagrat æger Amor.
 Ibit iniusta pari nunc & soror ipsa cupressu,
 Fratris in inferias victima prompta mori?
 Te, cui mors parcat, rapit ergo tyrannis Amoris?
 Quod genus hoc pietas? fit graue crimẽ Amor.

L V I I I.

Lamentum M A G D A L E N A E *dum*
 C H R I S T V S *sepulchro conditur.*

M I E S V, diu fida meæ tutela salutis,
 E gremio præceptis laberis in tumultum
 Deli-